

## **Pɔɔlu kadasi bo i kɛɛ fa maari FILEMON ni**

<sup>1</sup> Mini Pɔɔlu bo Yesu Kristo dɛɛ ti na kisa m wo dansaraka nu ni, ni ya niwa Timoti sukɛɛ ahin kadasi n a. Wɔɔɔ Filemon bo ya koro u na ya ni wɔɔɔ sanga yo juma ni, ya bisa u dɔngɔ. <sup>2</sup> Ya kaaki bisa Kristo jama n bo bu tien bu nɔɔ u dika ni, ni ya niwa baabara Afiya, ni ya niwa Akipusi bo ya ni yiri kɛɛ ti ka soja ni, Yesu dɛɛ atin n su ni. <sup>3</sup> Ya Si Nyemɛ ni ya Mibiɛ Yesu Kristo buka am, na bu ma am ahoreda.

### *Filemon koro ni i yarada n jɔɛ*

<sup>4</sup> M niwa Filemon, sanga kɛɛ bo m sere Nyemɛ, m wara fi má u sa, m da i asi ma u wɔ. <sup>5</sup> Dama ma ti kabo a yo ya Mibiɛ Yesu yarada ni, ni kabo a koro Nyemɛ minɛm kɛɛ ni. <sup>6</sup> M kaaki sere Nyemɛ ka i ma wɔɔɔ ni bo ba yo yarada na am sanga su Nyemɛ ni la wo fiɛ, nyini ma a si nahɔɛ su kabo Nyemɛ afa deke kpa ama ya, Kristo dɛɛ ti. <sup>7</sup> M niwa, koro n bo a bita i ni, wɔ ma m ahore ajɔ agaya, na wɔ kaaki ama m ahoresi, dama wɔɔɔ dɛɛ ti, Nyemɛ minɛm anya ahoresi.

### *Kabo Pɔɔlu taraari Filemon jaa maari Onisimɔ barasu ni*

<sup>8</sup> Tɔ, kabo Kristo dɛɛ ti na a ti m niwa ni, m la ahoresi, na m la atin bo m koro se u ka a yo deke bo i ti ye ni ka a yo i. <sup>9</sup> Ama, m koro u n dɛɛ ti,

ye m susere u a, ka a buka m, haari ni bo m jina Yesu Kristo dɛɛ jaa nu n ni, na i dɛɛ ti na m kaaki ti dansaraka kisa ni. <sup>10</sup> Deke bo i ti na m susere u n la ka, m susere u ma m wa Onisimɔ n wɔ, bo Yesu Kristo dɛɛ ti na wɔ kaaki m wa dansaraka nu n ni. <sup>11</sup> Saɗga be, i yo kun má kperɛ be ma má u, ama, kisa, i kun kperɛ ma wɔrɔ ni mini kɛrɛ wɔ.

<sup>12</sup> Yiri bo m koro i ni m ahorembaa kun ni, ye m suma i ba u dɔ n a. <sup>13</sup> Kabo Nyɛmɛ jɔrɛ kaanwa n dɛɛ ti na m wo dansaraka n nu ni, má m koro ka i wo m dɔ fɛn na i buka m, kabo má wɔrɔ wo fɛn na a buka m ni. <sup>14</sup> Ama, m koro má ka m yo deke be bo a soro má su, ama, m koro ka wɔrɔ mmɔɔ ni u tii buka m u koroyanu, má ka i yo ka m miɛ u wɔ. <sup>15</sup> Beni, Onisimɔ fiteeri u saa nu ni, wɔ cɛ kaan, adena i ba kaaki ba wo u dɔ saɗga kɛrɛ. <sup>16</sup> Kisa, i ti má u akɔɔ ŋgumi kun, ama, i tara akɔɔ ɔ. I ti ya niwa koroowa a. Koro bo m fa koro i ni, wɔrɔ koro i tara ɔ. I ti u akɔɔ ɔ, ama, Mibiɛ n dɛɛ ti, i kaaki ti u niwa a.

<sup>17</sup> Nyini ti, nzen a fa i ka m ti u matafo, de i kabo má a de m ni. <sup>18</sup> Nzen wɔ do u ŋgasi be, wara i bita u kaari, ma nyini kaari n yo m dɛɛ kaari. <sup>19</sup> Mini Pɔɔlu ni m tii sufa m saa sukɛrɛ ahin jɔrɛ n a, ka m tɔ kaari n kɛrɛ bo i bita i n ma u. M kaaki koro se u ka, m kaari su u su, fa kɔ u ŋɔɔ bo a nyaari i Yesu dɔ ni. <sup>20</sup> Nyini ti, m niwa, m koro ka a yo ahin sakpa n ma m, Mibiɛ n dɛɛ ti. Kabo ya kɛrɛ ti nibaa Kristo dɛɛ ti ni, da m ahore.

<sup>21</sup> M la ahoresi ka a dé m nɔaniɛ ni, nyini ti ye m sukɛrɛ ahin kadasi n a. Na kabo ma se ni, m si ka a yó i kɔ tara ɔ. <sup>22</sup> Bo i buka su la ka, m

koro ka a yo sɔɔ dɔŋgu se m, dama m la tama ka Nyeme bá de am sere, na i má m kaaki ba am dɔ.

*Pɔɔlu awieeri su dɛɛ anse yoowa ni*

<sup>23</sup> M lamɔkɔ Ipafarasi bo m ni yiri wo dan-saraka nu, Yesu Kristo dɛɛ ti ni, i ɲa m bisa u dɔŋgu. <sup>24</sup> Marako, ni Arisitakusi, ni Demasi, ni Luka kere gusu ɲa m bisa u dɔŋgu, m ni bere sanga yo juma. <sup>25</sup> Ya Mibiɛ Yesu Kristo buka am kere.

**ΝΥΣΜΕ ΙΟΥΕ ΚΑΔΑΣΙ**  
**The New Testament in Anufo (Chokosi)**

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

---

PDF generated using Haiola and XeLaTeX on 21 Feb 2024 from source  
files dated 29 Jan 2022

fe36d0e6-2a60-5e15-8d1c-8bf275389598